

RETTLEIING - Søknad om utslipp av sanitært avlaupsvatn frå hus og hytter

Sogndal kommune

Kven har søknadsplikt?

Når du skal etablere eit utslipp av sanitært avlaupsvatn eller vil auke eit eksisterande utslipp vesentleg må du søkje kommunen om utslippsløyve. Dersom utslippet er frå bustadhus, hytter, turistbedrifter og liknande verksemd, og det totale utslippet er mindre enn 50 personekvivalenter (pe*), fyller du ut søknadsskjemaet "Søknad om utslippsløyve", som du finn på nettsida til kommunen under fanen «skjema». Skjemaet gjeld både separate utslipp av sanitært avlaupsvatn og utslipp frå små hussamlinger som samarbeider om ein felles avløpsløyse. Søknadsplikta gjeld òg når avløp går til lukka tank.

Det er ditt ansvar som eigar å fylle ut ein nøyaktig og fullstendig søknad med alle opplysningar kommunen treng for å kunne handsama søknaden. Handsaminga av søknaden startar når eit fullstendig utfylt søknadsskjema med alle naudsynte vedlegg er levert kommunen. Kommunen skal handsama søknaden innan seks veker frå fullstendig skjema med vedlegg er motteke. Manglar opplysningar eller dokumentasjon, vil dette kunne forseinke saksarbeidet. Dersom du har søkt om unntak, gjeld ikkje den absolutte sakshandsamingsfristen på seks veker.

Kva må du gjera i god tid før du søker?

Ta kontakt med kommunen for å få avklart kva for krav og eventuelle lokale tilpassingar som gjeld der du vil sleppe ut avlaupsvatn. Finn ut kva som blir kravd av informasjon og dokumentasjon i ein søknad om utslippsløyve. Kommunen har plikt til å gje rettleiing om korleis du skal søkja om utslippsløyve og kva for vilkår og krav som gjeld. Du må òg sjekke med kommunen om utføringa av det planlagde avlaupsanlegget er i samsvar med planane til kommunen etter plan- og bygningsloven.

Innhent naudsynt informasjon og dokumentasjon. Det er du som søker som skal innhente all naudsynt informasjon og vise at det planlagde utslippet er i samsvar med krava. Det kan ta tid å samle alt, så berekn god tid.

Du må varsle berørte partar og andre spesielt berørte. Med partar blir til dømes meint naboar. Med andre spesielt berørte meinast til dømes friluftsiinteresser. Dersom du er i tvil om kven som skal varslast, kan du få rettleiing frå kommunen. Du må sjølv sørge for å få kvittering for at varsel er sendt (til dømes kvittering på rekommandert brev eller underskrift). Oversyn over kven som er varsla og kvitteringar skal leggjast ved søknaden (vedlegg 11c) saman med eventuelle fråsegn/protestar du har motteke (vedlegg 11d). Søknaden kan ikkje sendast til kommunen før svarfristen på fire veker har gått ut.

Kva må sendast inn til kommunen og korleis vert søknaden handsama?

Når du har fylt ut alle punkta på søknadsskjemaet og har lagt ved alle naudsynte vedlegg har du levert det vi kallar ein fullstendig søknad. Ein fullstendig søknad skal handsamast av kommunen innan seks veker. Husk at dersom søknaden manglar opplysningar eller dokumentasjon, vil dette kunne seinka handsaminga av søknaden din. Dersom du har søkt om unntak, gjeld ikkje den absolutte sakshandsamingsfristen på seks veker. [Forskrift om utslipp av sanitært avlaupsvatn frå mindre avlaupsanlegg i Sogndal kommune](#) og [ureiningsforskrifta kap. 12](#) vert lagt til grunn når kommunen handsamar søknadar om utslippsløyve.

**)Personekvivalenter (pe) er eit mål på mengd organisk material i avlaupsvatnet. Døme på berekning av pe finn du under punkt 6 (Anleggstype) i denne søkeveiledningen.*

Eg har sendt søknad om utsleppsløyve til kommunen:	Når kan eg vente svar?
Eg har sendt inn ein fullstendig søknad som er i samsvar med standardkrav og eventuelle tilleggskrav frå kommunen	Søknaden skal handsamast av kommunen innan seks veker. Dersom kommunen ikkje har svart på søknaden innan seks veker vert løyve rekna som gjeve
Eg har sendt inn ein fullstendig søknad med krav om unntak frå reinsekrava	Kommunen sin absolutte sakshandsamingsfrist på seks veker gjeld ikkje. Sakshandsaminga vil kunne ta lengre tid, men søknaden skal handsamast utan ugrunna opphald
Eg har sendt inn ufullstendig søknad (ikkje alle punkta i søknadsskjema er fylt ut eller det manglar vedlegg)	Søknaden vil ikkje kunne bli handsama

Kvar kan du klage på vedtaket?

Klagefristen er tre veker etter motteke vedtak. Eventuell klage må sendes kommunen innan tre veker.

Vert det stilt krav til deg når avlaupsanlegget er i drift?

Eigar av anlegget pliktar å dimensjonere, drive og vedlikehalde anlegget slik at lekkasjar vert førebygd og sjenerande lukt vert unngått, jf. vilkåra i utsleppsløyvet. Du må ta vare på informasjon om anlegget, drift og lekkasjar. Eventuelle naboklagar skal takast vare på i fem år. Kommunen er tilsynsmyndigheit og fører tilsyn med at krava blir overhalde. Kommunen kan krevje gebyr for tilsyn.

Utfylling av søknadsskjema

1. Utslepps- og byggjesøknad

Innsendar er normalt den som eig og skal driva anlegget (eigar) og som er ansvarleg for utsleppet, for drifta til anlegget og vedlikehald. Her skal du gje alle opplysningar som er naudsynt for at kommunen skal kunne kontakte deg eller det sameige/organisasjon som søker om utsleppsløyve. Handheving og sanksjonar av regelverket vil skje overfor eigar. Kryss av om du søker om utsleppsløyve og eventuelt også om løyve etter plan- og bygningslova.

2. Eigedom/byggjestad

Her skal du opplyse om bygningen eller bygningane sine gard- og bruksnummer, og dessutan adresse. Gard- og bruksnummer kan du få ved å ta kontakt med kommunen.

Du må sjekke med kommunen om utføringa av det planlagde avlaupsanlegget er i samsvar med planane til kommunen etter plan- og bygningsloven. Dersom utføringa av avlaupsanlegget ikkje er i samsvar med planane til kommunen, må du innhente samtykke frå Plan- og Næring. Hugs å oppgje dato for når eventuelt samtykke vart gjeve.

3. Søknaden gjeld

Her skal du opplyse om søknaden gjeld eit nytt utsepp, om det er ei vesentleg auke av eit eksisterande utsepp eller om det gjeld rehabilitering av eksisterande anlegg. Du må oppgje om søknaden gjeld heilårsbustad, fritidsbustad og/eller annan bygning, og dessutan tal på bygningar i dei ulike kategoriane. Dersom vassklosett skal installerast eller er installert allereie, må dette opplysast. Med vesentleg auke blir til dømes meint installering av vassklosett, dusj, bad eller våtrom eller at fleire områder vert koplta til anlegget. Ta kontakt med kommunen dersom du er i tvil om kva som er vesentleg auke. Oppgje og kva vassforsyning eigedomen har.

4. Fellesanlegg

Om fleire eigedomar skal koplast på avlauspanlegget, spesifiser desse med g/bnr., namn og adresse, samt tal på pe som vert tilknytt.

5. Reinsekrav

Kva for eit reinsekrav som gjeld på den staden du planlegg utseppet vil vere avhengig av om utseppstaden ligg i eit følsamt/normalt eller mindre følsamt område, om det er brukarkonfliktar involvert og om det er fare for overgjødsling.

I Sogndal kommune er reinsekravet for utsepp til følsamt og normalt område 90% reinseeffekt, tilsvarande ein utseppskonsentrasjon for Tot-P* < 1mg/l og for BOF5** < 25mg/l.

Utsepp til mindre følsamt område gjeld utsepp til Fjærlandsfjorden, Sogndalsfjorden og Amlabukti. Her er reinsekrava enten 20% reduksjon av SS*** mengd rekna som årleg middelvei av det som vert tilført reinseanlegget, eller 180 mg SS/l ved utsepp rekna som årleg middelvei.

Dersom du søker om unnatak frå reinsekrava skal du krysse for det og spesifisere og grunngje nærare kva du søker om.

Du må og vurdere eventuelle brukarkonfliktar og/eller fare for overgjødsling. Dersom det er brukarinteresser involvert, td. drikkevassforsyning, rekreasjon eller næringsverksemd, skal du opplyse om det. Dersom det er fare for overgjødsling må du oppgje det. Desse opplysningane skal liggje ved søknaden (vedlegg 11f)

Det kan vere nyttig å ta kontakt med kommunen eller ein fagkyndig for å få naudsynt informasjon eller rettleiing om kva for eit reinsekrav som gjeld der du planlegg utsepp. Du kan òg få ein fagkyndig til å gjera vurderingane for deg.

6. Anleggstype

Val av reinseløsing skal gjerast etter vurdering og tilråding frå kompetent fagkyndig person/føretak. Krav til planlegging av avlaupsanlegg er skildra i § 6 i forskrift om utsepp av sanitært avlaupsvatn frå mindre avlaupsanlegg i Sogndal kommune. Grunnundersøking skal alltid gjennomførast og danne grunnlag for val av avlaupsløysing og dimensjonering av anlegg.

Den dimensjonerte storleiken til anlegget skal angjevast i personekvivalenter pe. Dette vil du kunne finne i til dømes i anleggsleverandørens dokumentasjon. Vurdering av kor stort anlegg du skal velje bør gjerast med eit perspektiv på 10 år. Anlegget bør uansett ikkje vere dimensjonert for mindre enn 5 pe.

Under spesifikasjon av anlegget skal du spesifisere anlegget sin type, modell, leverandør etc., og skildre korleis anlegget skal drivast. Dokumentasjon på reinsegrad og spesifikasjonar leggjast ved søknaden (vedlegg 11b).

* Tot-P er summen av partikulært og oppløyst fosfor

** BOF5 er biologisk oksygenforbruk over 5 dagar

*** SS er suspendert stoff

Utsleppsmengd skal gjevast opp i mengder personekvivalenter (pe). Personekvivalenter er eit mål på mengd organisk materiale i avløpsvatnet. Ein kan finne pe på fleire måtar, men som hovedregel seier vi at:

Utslepp frå hus og hytter med innlagt vatn og vassklosett: 1 person bidreg med 1 pe

Utslepp frå hytter med innlagt vatn utan vassklosett: 1 person vil bidra med 0,3 pe

Utslepp frå hytter utan innlagt vatn og vassklosett: 1 person vil bidra med 0,1 pe.

Ta kontakt med kommunen dersom du er usikker på korleis du reknar ut utsleppets forventa storleik.

Eksempel 1:

Hus med innlagt vatn og vassklosett, husstand med seks personer: 1 pe/person * 6 personar = 6 pe i avlaupsvatnet.

Eksempel 2:

3 hytter med innlagt vatn og vassklosett og 10 sengeplassar i kvar hytte ¹⁾ : 3 * 1 pe/person * 10 sengeplassar = 30 pe i avløpsvatnet.

Eksempel 3:

Hytte med innlagt vatn utan vassklosett, 10 sengeplassar: 0,3 pe/person * 10 personar = 3 pe i avlaupsvatnet.

¹⁾ Det vil variere kor mange personar som oppheld seg på ei hytte. Når ein skal rekna ut forventa tal personekvivalentar må ein ta utgangspunkt i maksimalt tal personar på hytta samstundes. Tal sengeplassar kan være et godt mål på maksimalt tal personer/maksimal belastning.

7. Utsleppstad

Her skal du gje opplysningar om utsleppsområdet. Det vil seie om avlaupsvatnet går til innsjø, bekk/elv, elvemunning, osv. Du skal òg oppgje namn på lokalitet og kartkoordinatar. Kartkoordinatar vil du finne på eit økonomisk kart/plankart i målestokk (1:5000) eller større frå Statens kartverk. Denne typen kart vil du også kunne få tak i hjå kommunen sin oppmålingsavdeling og Fylkeskartkontoret. Hugs å opplyse kva for eit kartdatum du brukar. Til dømes WGS 84.

Avlaupsanlegget si plassering og utsleppstad skal merkast av på kartslette i målestokk 1:5000 eller større. På same kart skal du òg merke av eiendomsgrensar og eventuell vegtilkomst (for slamtøyming, vedlikehald etc.) samt vassforsyning. Karta skal leggast ved søknaden (vedlegg 11a).

Gjeld søknaden utsepp til vatn, må du oppgje kor mange meter under lågaste vasstand det blir sleppt ut (utsleppsdjupna).

Avstand frå utseppet til eventuelle drikkevasskjelder i nærleiken skal og opplysast.

Om avlaupsinnretninga kryssar ein annan sin grunn, skal eigar av anlegget tinglyse erklæring frå grunneigar om løyve til dette.

8. Tiltakshavar

Tiltakshavar tek på seg ansvaret for å følgje føresegna i forurensingsloven og forurensingsforskrifta kap. 12 og forskrift om utsepp av sanitært avlaupsvatn frå mindre avlaupsanlegg i Sogndal kommune. Dersom tiltakshavar ikkje er den same som eigar, skal dette gjevast opp her.

9. Ansvarleg søkjar

Utførande handverkar tek på seg ansvaret for at arbeid som er skildra i søknaden vert utført i samsvar med gjeldande lover, forskrifter og retningslinjer. Det er og plikt til å følgje rettleiing frå forureiningsstyresmakter og ikkje gjere endringar i arbeidet utan i innhente godkjenning frå forureiningsstyresmakter.

Minimum utdanning for utførande er maskinentreprenør/rørleggjar samt ADK-1 kurs eller tilsvarande

10. Faglege medhjelpar'

Her må det vere med namn på nøytral fagkyndig (person/firma) som har bistått med val av reinsem metode og/eller dokumentasjon av reinsegrad.

Opggje kven (nøytral fagkyndig person/firma/leverandør) som har bistått deg med utforming, dimensjonering og installasjon av reinseanlegget og dokumentasjon av reinsegrad. Vær merksam på at dokumentasjon av anlegget sin reinsegrad skal vere utført av nøytral fagkyndig.

Dersom du skal installere eit ferdigprodusert minreinseanlegg må dette vere testa i samsvar med eN12566-3. Sjekk at reinsegraden som er oppgjeve på CE-merket til minireinseanlegg tilfredsstiller reinsekravet for ditt utslepp (du har gjeve opp reinsekravet under pkt. 5 reinsegrad). For alle andre reinseanlegg må det dokumenterast at anerkjent dimensjonering og utforming er nytta.

Prosjekterande for infiltrasjonsanlegg skal ha tilstrekkeleg hydrogeologisk og avlaupsteknisk kompetanse, minimum kurs i prosjektering/bygging av mindre avlaupsanlegg eller tilsvarande.

Prosjekterande for avlaupsanlegg med utslepp til overflatevatn skal minimum ha kurs i prosjektering/bygging av mindre avlaupsanlegg eller tilsvarande. Resipient undersøking krev fagkunnskap innan geologi, hydrologi og vasskjemi på høgskulenivå.

11. Vedlegg til søknaden

Søknaden blir ikkje rekna som fullstendig før alle naudsynte vedlegg ligg føre. Manglar det vedlegg vil søknaden ikkje bli handsama. Under finn du ei liste over naudsynte vedlegg med forklaring.

- a) Plassering av avløpsanlegg, utsleppsstad, eigedomsgrenser og vegtilkomst (for slamtømming, vedlikehald osv.) på kart i målestokk 1:5000 eller større
- b) Dokumentasjon av reinsegrad jf § 12-10 og skildring av anlegg
 - Vær merksam på at dokumentasjonen skal vere utført av fagkyndig. Vedlegget skal òg innehalde ei skildring av anlegget (type/modell/leverandør etc.) og korleis det skal drivast.
- c) Gjenpart av nabovarsel
 - Du må lage ei liste over kven som har vorte varsla og du må leggje ved kvittering på at varsel er sendt. (til dømes kvittering på rekommandert sending eller underskrift og dato).
- d) Eventuelle mottekne klage/protestar

Dersom du har motteke klage/protestar skal desse leggjast ved søknaden. Dersom du ikkje har motteke klage/protestar kryssar du av i boksen ikkje relevant
- e) Grunngeving for ynskje om unntak frå §§ 12-8 til 12-9 eller relevant dokumentasjon
 - Dersom du søker om unntak frå reinsekrava skal dette grunnjevast særskilt. Vær merksam på at dersom det blir søkt om unntak frå krava, gjeld ikkje kommunen sin absolutte sakshandsamingsfrist på seks veker.
- f) Oversikt over interesser som tiltaket kan ha konsekvensar for (drikkevassforsyning, næringsverksemd, rekreasjon etc.). Utgreiing av tiltak for å motverke interessekonfliktar og tiltak for å ivareta helse og miljø
 - Brukarinteresser knytt til utsleppstaden vil ha mykje å sei for plassering og utforming av reinseanlegget eller utsleppspunkt. Vedlegget skal innehalde ei vurdering av interesser som kan/vil berørt av utsleppet (til dømes drikkevatt, bading, fiske, turløyper etc.) og utsleppstaden si plassering i høve brukarinteressene. Dersom du er i tvil kan det vere nyttig å kontakte ein fagkyndig som kan gjere ein nøytral vurdering

12. Eventuelle merknader (ikkje obligatorisk)

Her kan du skrive eventuelle merknader du meiner er nyttig informasjon for kommunen når søknaden skal handsamast.

13. Underskrift og erklæring

Merk at det er eigar som skal underteikne søknaden. Eigar si underskrift innestår for at det er gjeve riktige og fullstendige opplysningar og at eigar forpliktar seg til å følgje dei angjevne vilkåra, herunder vilkår som gjeld drift og vedlikehald.